


淮海英靈集

三





集靈英海淮

(三)

輯元阮

# 淮海英靈集

王 易 字慈峨。江都賈生。有自贈詩云。壯心欲試常調馬。習氣難忘是著書。趙秋谷稱其詩穿穴唐賢。不趨時尚。雍正癸卯卒。年七十六。著懷孟堂詩一卷。

## 輓閻徵君百詩若璣

遠寄雙魚憶夏初。知君善病正愁予。傷心適易曾參贊。感夢先呼范式車。余於先生屬續之。夕。徵之夢兆。老去難忘知己淚。人間誰續未成書。著有尙書古文疏證。樓頭若問山陽笛。絕調於今寄太虛。

許承家 字師六。號來菴。江都人。給諫承宣弟。康熙乙丑進士。官翰林院編修。方循資遷坊局。以兄老里居乞歸。著獵微閣詩集一卷。

書梁芷公齋壁 昔芷公借余北行。歸自淮上。舍車而舟。過長湖。暴風作。舟人驚甚。余強為芷公書古格言數百字。以廣其意。今過其所居。適復見之。感而有作。

馳驅二千里。齊魯隨車轍。岳勢接平疇。蒼茫山石裂。歷歷古賢豪。顧盼驚魂魄。牛馬襍征鏢。弔古氣空結。淮水湯湯流。忽復理舟楫。片颿疾若駛。巨壘驚沙磧。據櫓下長湖。魚龍歛出沒。左顧波洶涌。右顧壁突兀。乃信遠行人。歸路休倉卒。定力達天人。狂歌敵崩濤。申紙強揮豪。豈畏蓬窗窄。摩挲壁上書。寒風猶凜冽。

## 懷家惕菴老人

慈仁松下老儒生。相對掀髯淡世情。跋燭傳杯人一斗。聞鐘校字月三更。自從漢洞催歸客。遂使燕臺速去旌。昔日連牀今異路。可能秋露共蕪城。

郊居述懷

性僻甘彫謝。狂吟近水鷗。餐花眠石上。洗研坐磯頭。梅礙重檐雪。梧荒古寺秋。試看漁釣穩。身世莫他求。

許錫齡 字鶴坪。江都人。

臨臯亭

何處臨臯亭。江干對杳冥。遠山沈霧白。小艇放烟青。芳艸邱遲宅。蘋花柳惲汀。遷居應有句。鴻雪幾年經。

許昌齡 字眉右。江都人。編修承家子。著碧摩亭集一卷。

懷楊安城先生

萬里重關見面難。考槃何處碩人寬。望中沙磧天無際。思入松陵水亦寒。雲影當空易零落。烽煙幾度報平安。玉瑤杯泛何年事。閒倚西風翦燭殘。

許迎年 字毅士。一字荔生。江都人。鄉飲賓承宗子。給事中承宣姪。康熙丙子舉人。庚辰進士。官中書舍人。魏周琬稱其詩于曹劉陶謝杜韓溫李無不學。而融液于己之性情。今玩其詩。長于側豔。故香奩諸作最工。所著有

槐墅詩鈔四卷。妻徐淑則。清獻公季女。著綠淨軒詩。工麗絕世。荔生閨中倡和之作尤多。

齋居春雨次淑則韻

窈窕園林細雨昏。書長人靜掩重門。文犀低押風聲軟。寶鴨微熏篆影溫。醉竹似垂湘女淚。殘花難覓杜鵑魂。幽齋消受閑中況。好檢芸編共討論。

送春

過眼風光綠已芟。怕看眠柳剩毵毵。愁深盡付紅螺醖。寒退初尋白蛤衫。蜀魄有情思望帝。花魂無著倩巫咸。魯戈不挽虞淵馭。來歲重逢恨已緘。

月夕漫興和淑則韻

皓月耿良夜。花陰露濺衣。護雛聞燕語。繞樹見鴉飛。下箸蕤絲滑。堆盤豆莢肥。一樽欣共把。寂寞掩荆扉。

和淑則園居病起作

一病經春意索然。幾時不到小亭邊。花殘幽砌堆紅雪。鶯囀垂楊破綠煙。輕暎未成連日雨。薄寒猶怯晚春天。方池新漲游魚樂。興寄濠梁秋水篇。

春閨詞

漫啓菱花七寶奩。春愁橫壓兩眉尖。庭前一任桃花放。繡閣春寒不卷簾。水沈香燼冷熏籠。寂寞黃昏閉綺櫺。羅幌照殘清夜月。湘簾吹透落花風。心事淒涼靜掩門。梨花滿地鎖銷魂。畫欄倦倚憐春色。親把金釵記月痕。

春閨詞和韓偓香奩集韻

想從恨處歡還在。思到歡時恨已亡。春掩重門人寂寂。落花和雨下池塘。

望中新綠暗谿橋。香徑行來草沒腰。燕子不歸春已老。柳絲牽恨一條條。

夏夜偕淑則小酌

雨歇涼生見夕曛。晚鐘風送隔牆聞。檐前滴翠皆因竹。江外奇峯總是雲。螢點疎簾爭燭燄。花殘小徑繡苔紋。閨中德曜吾良友。小酌湘吳細論文。

贈孫惟臣隱君

徵君家住古雷塘。杖履優游樂未央。纈帛久辭公府辟。烟波閒占鷺鷥鄉。歡呼野老雞豚社。服食仙人玉石方。最是佳兒才絕妙。官梅句好似何郎。

晚晴有憶綠淨軒

山色鬱崔嵬。天晴宿霧開。鴉隨雲影沒。波盪月華來。泥酒將愁敵。尋書作睡媒。蓮花開曲沼。留待主人回。

許謙字損齋。儀徵人。詩學韋白溫李諸家。晚年手訂二

謙百八十首。子珩。字楚生。錄爲破硯齋詩鈔一卷。

古意二首

酌君琥珀杯。贈君珊瑚鞭。送君出門去。君意頗留連。一去經三載。妾心思繇繇。昨聞鄰人語。君久致富貴。鄰人爲我怒。我反爲君諱。君之富貴妾之願。君終棄妾妾不怨。

出門所見誠可恥。腰閒寶劍迸秋水。幾回欲拔行復止。此兒齷齪何足死。斯劍一污安可洗。

人定

人定羣動息。夜久如涼秋。皎月失河漢。天風吹女牛。草光連露白。螢火入檐流。今夕是何夕。茫茫生我愁。

高

巖字山公。如臯人。由軍功授戶部江西清吏司郎中。前知廣東永安河南孟津縣事。工部虞衡司。軍功加十九級。正一品服。

荅兄

憶自束髮始。嚴親授句讀。勉我作良臣。期我以名宿。乙卯耿孽動。行閒蒙甲冑。相從西域征。戮力殄渠寇。天軍若貔虎。犬羊安敢鬪。疾風捲殘雲。小醜咸授首。微勳邀隆眷。叨職佩墨綬。君恩優渥深。天地比高厚。一身許報國。自分效奔奏。所嗟子職虧。就養違左右。忠孝雖難全。內省寧無疚。蒼蒼疊遠山。鬱鬱多危岫。白雲望吾鄉。天遠不能就。昨兄尺素來。醇意如飲酎。道親屬望深。責子以不朽。自顧功烈卑。敢復期垂後。惟此赤心腸。持以報我后。春風野草新。春意梅花舊。寄語兩兄弟。爲我酌言壽。國恩不敢忘。親心不敢負。高堂暮年時。心宜空諸有。無爲遠遊子。結結復糾糾。

高

溥字赤水。如臯人。由貢生任潛山安東教諭。陞山西沁源縣知縣。安徽鳳陽府同知。

客行二絕

悠悠策駑馬。遙遙下山坂。颯颯吹禾黍。古道秋風晚。客行雖云樂。不如守南畝。兄弟兩三人。雞黍一樽酒。

高

清字漣漪·如臯人·由軍功授北直內黃縣知縣·調湖廣衡陽縣知縣·三攝衡州府篆·又攝衡永郴道·又十攝常寧衡山等縣篆·

荅內黃父老

余初令內黃·十年丁先大人憂·服闋·起衡陽令·途次黃·黃民數萬人迎於途·而歌之曰·南風吹雲雲飛揚·公車出城聲琅琅·鸞鈴絡馬青絲韁·上西河外爭趨躡·紛紛藉藉迎道旁·老幼喘息婦走僵·內黃之令惟公良·撫綏十載恩義長·視民猶子真如傷·不欺鯨寡恣強梁·片言折獄無陂障·鮮有餘積充囊囊·自公一去心激昂·思之不得真徬徨·邀天之幸來吾疆·肩摩趾錯競相望·士女紛紛羅酒漿·充門遠膝相持觴·公今遠去湖衡陽·衡之民慶我心戕·留公無策心忙忙·舉杯酌酒祈穹蒼·願公名位重輝光·願公第祿壽而康·車如流水馬騰驤·懷君子兮天一方·公德巍巍不可量·衡山高兮湖水長·予亦就馬上攬涕蒼之·

君不見隆慮縣令喬智明·當時父老稱神君·又不見長葛房公為慈父·碑傳德政留千古·古人治化樂愷愷·致令身去風流在·我昔銜命出神都·墨綬銅章來作宰·涓埃未有荅蒼生·共樂皇恩深似海·今將舍爾向衡陽·父老泣涕滿道旁·香烟蔽空如塵霧·何以贈之心鬱愴·願爾讀書時不失·願爾耕斂莫相妨·出入息好生涯·無事不可到公堂·衡山高高雁峯在·時修音書寄一行·

高

謨字禹傳·號雨船·如臯人·

山行

舍棹復山行·崎嶇更幾程·兩邊杉木影·一路畫眉聲·臘似中春後·人忘倦旅情·欲求投宿處·遙指爨烟橫·

顧圖河

字書宣·號花翁·江都人·康熙甲戌以第三人及第·官翰林院編修·少負異稟·性醇樸·嗜古貪書·寒暑無間·家在城東七十里外·偶入城·必載書滿車·古文詞俳體·皆根柢古人·尤工於詩·每與名流詩酒相酬·

詞辯鋒起·同里史蕉飲太史·稱其詩云·具陵跨百代之力·而不傍一門戶·蓋盡得古人之師承·而自立於宗派後者·元案·花翁早年·詩特妍秀·頗為時稱·繼乃焚棄·自甲子至丁卯·得詩三百餘首·同里汪蛟門比部·更為刪訂·稱之云·恢奇奧衍·盤薄不羈·故二公論詩·雅趣極合·蛟門卒後·花翁用張籍祭昌黎體·作詩祭之·汪純翁嘗見公詩序云·蛟門之視書宣·其殆如韓昌黎之於孟東野·歐陽永叔之于梅聖俞歟·所著有雄雉鷺集六卷·



其齋又名華  
蟲別館。

銘座十章錄六

樹當鏟惡木。草當薙邪蒿。邪蒿生無根。惡木日夜高。牙蘖苟勿剪。斧柯將重勞。拔根絕其蔓。寸地勤鋤薶。耨學而種仁。惰窳非賢豪。祛妄。

西日難爲繩。東波難爲剪。虛生與浪死。志士懼不免。鼎鼎百年內。一曠不及轉。誓言敦素業。渴心慕先典。孤生幸有聞。雖晚豈辭勉。惜陰。

保國釋外懼。攝生留小疾。朽索馭羸馬。徐行百無失。中疎固其衛。獲少靳其出。割慾如守疆。謹身如縛律。不讀黃老書。淵冰宜戰栗。攝生。

善走須得途。斜徑不可行。善博須得慮。不關人力成。達人期任運。世路誇趨營。百慮輸一妄。百巧轉一誠。不見信天翁。亦得全其生。任運。

君子如春風。可愛不可竭。小人如酒顏。但得暫時熱。急絃莫浪彈。一彈絃一絕。市交莫浪交。中路難團結。惟當同心人。可與論金鐵。息交。

百觚聖無量。三爵禮有考。誰云飲狂藥。而可通大道。墜車幸無傷。不如安坐好。飲酒但飲和。玉山推不倒。莫造無功鄉。是中非可老。止酒。

汪蛟門比部招集十二硯齋次宗丈梅岑韻

中春日在奎。既望月離畢。溼雲苦如鬢。陰魄那照膝。困欲酒爲年。悶對詩過日。轉覺增頭風。坐憂主腹疾。忽此枉折簡。霍然起投筆。況聞二仲聚。何惜雙屐出。曲引穿修廊。規方徑斗室。吻燥嘗喬酒。手香破盧橘。天愁稍開霽。人歡失寒栗。銀絲鮮鮑美。碧縷嘉蔬茁。數行爵無算。一取醉爲率。酒糾嚴有政。詩筆峻如律。偉觀驚愚蒙。淺衷昧深沕。炎炎五字城。蕩蕩萬里漆。公誠霸壇坫。誰敢鬪篇帙。門生妙春華。謂阮生老友茂林實。謂宗丈連枝更挺拔。二華竝峯嶽。謂叔定諸君互唱酬。賤子但傳述。神驥不易追。跛牂恐非匹。將詩乞砭鍼。如病待苓朮。束帶辱昌黎。探囊愧長吉。幸因禮數寬。頗叨往還密。宿醒苦未消。醉語恕野逸。

附汪詩。幽禽耽高翔。觸機遠羅畢。野鶴落近玩。沾泥沒蹀膝。所以塵外人。樂此山中日。愛酒思無功。狂吟念棄疾。邈矣飭髀姿。偉哉澹蕩筆。如何數百載。此輩不一出。新雨才及階。吾子儼入室。咄嗟令蒸瓠。荒怪欲剖橘。譚者精彩張。聽者毛髮深。軍聲正嚶喏。章句鄙軋茁。嘉賓自謹慎。賤子媿草率。差堪作酒頌。未敢犯詩律。妄語空飛揚。精理本潛沕。澄懷觀惠濠。高文契莊漆。年來學捐書。近且志焚帙。有客枉尺素。勸我敷華實。何殊立培塿。而乃仰峯嶽。不才甘浮沈。下列慕刪述。庶幾陶謝羣。敢冀聖賢匹。春翦一畦韭。秋釀十畝秫。約已聊遠災。寡辭或爲吉。景光相留連。鍾榼任稠密。署銜稱老狂。招隱答遺逸。

再疊前韻呈蛟門

狡兔不投罟。騶虞反罍畢。許國悲乃心。還家審容膝。易課柔剛辰。書分雙隻日。文成半解嘲。客過常稱疾。奈何經國手。更弄經生筆。吾道在有守。斯人豈虛出。精銳錐處囊。光芒劍離室。孤類當門蘭。貞非過淮橘。側足機穽危。回頭心膽慄。樹凍亦已花。草枯亦已茁。大運有轉移。達觀恒坦率。詞場建旗鼓。韻語協鐘律。

鑿險開洪濛。蘊真舍穆洌。信矣唾成珠。矧猶髮如漆。竚當列旂常。匪惟光卷帙。譬彼梅有花。終爲鼎中實。文章苟彪炳。功德竝峯嶽。逢時幹造化。希聖纘作述。漫云月露姿。僅與齊梁匹。學圃當執芝。飲醇當餌朮。守雌卽可師。居謙動成吉。金相粹而堅。玉德縝以密。螻屈毋嗟吁。龍驤會超逸。

弈旨

讀班固弈旨。廣而韻之。得二百字。仍以命篇。

楸枰地分井。玉子天布宿。會戲敞閒軒。臚膊敲清晝。覲面藏險艱。癡坐逞格鬪。眈眈日未瞬。兀兀手頻袖。當敵轉神迷。旁觀欲色授。爭死宵饒先。鼓行防躡後。多貪輒厚亡。小棄恒大就。陷圍賈拳勇。奪角伺罅漏。手籌權死生。株坐駭枯瘦。湘東一目敗。南塘屢劫覆。珠探驪領深。子得虎穴驟。偏師務旁擊。近攻先遠逗。設伏誘驕騎。開壁縱窮寇。垂成忽中變。一失或不救。隍鹿幻有無。塞馬難諦究。諱敗仇豈平。狃捷怨益構。得著衆皆驚。悔誤誰請又。繙圖悟機格。覆局正紕繆。苦戰忘飢疲。熟視反眩瞽。虧成一偶然。收奩倒醇酎。

### 村巫賽神曲

椎神鉦。搥神鼓。鉦助妖譟。鼓助舞。披髮銜刀。神降語。須晴卽晴。雨卽雨。高原多黍。下多稌。牛生兩犢。羝羊乳。雞鶩將雛。不可數。老翁跪領巫所傳。神之福。我將無然。大肉硬餅。堆滿盤。渾醅魯酒。澆如泉。但願年年作秋社。村巫醉死神壇下。

### 初夜過右周天寧寓舍

君來城北寺。興到偶相尋。襆被寒房客。香燈獨夜心。疎鐘僧罷課。初月殿斜陰。鎖鑰能遲下。何辭話漏深。  
來詩有嚴城偏早閉。起別意何忙之句。

荒村

荒村仲冬月。晚日暴寒天。凍雀蹲簷密。風鴉鼓陣圓。老盆深注酒。短褐厚裝綿。何似幽燕道。霜華犯馬韉。  
臘月十六夜。赴東鄰酒會。

缸面酒初熟。鄰翁邀暖寒。菜經冬更美。月過望仍圓。徂歲如弦急。深杯抵海寬。荒村無一事。莫惜罄餘歡。  
次韻題汪叔定抱耒堂

襆被爲衣笠當冠。縑車秧馬挂簷端。一方翠毯春苗短。萬顆明珠夕露寒。相印爲無田二頃。候封差抵竹千竿。農家富貴元應足。未信真能老不官。

立春

如此頭顱羞彩勝。更誰纖手送青絲。幾年毛褐但仍舊。今日菜根聊及時。淡白小梅爭雪意。嫩黃垂柳試風枝。眼前已見春光漏。且蘸狸毫自詠詩。

汪北阜覺堂。史蕉飲。見過荒村看桃花。淹留信宿。宗丈梅岑。亦至自東原。同集者爲荆慈衛。阮月樵。  
湯石臣。限用禡韻。

輪蹄錯奕衡門下。鄰媪村翁各驚詫。東家孺子彼非賢。長者何因枉高  
衣謝。兩年剋約誠久要。百金信諾非虛詐。歐詩遠客千里至。信士自金諾。滿堆三韭代  
夜燃檠。蘆灰壓酒春流醲。推鉤送盞勸不休。徵令飛籌興難罷。選徒排  
不倒誰能推。白波席捲初何怕。不嫌多酌次公狂。那有行觴灌夫罵。風  
掃牀拂席聽未了。晴光曉色來何乍。借騎鞍馬遶村行。更挈幔亭隨地  
相射。穿林連臂踏紅茵。隔溪搖艇呼黃帕。邀嬉真作武陵遊。譁呶竊恐  
猖行且叱。封家莫妬陶氏姝。明朝有興還乘暇。

二百四十本梅花歌。爲喬石林侍讀賦。

屋角梅龍大盈抱。爪尾騰拏向人倒。年來花眼被苔封。鳥啄蟲芽半身  
襍。裸人閒何處梅花國。空阻褰裳被花惱。安得幻爲倒挂子。兩翅翻翻  
翎香貫腦。瀛洲仙客姑射姿。傾家買得羅浮島。千夫雷動連山移。開花  
作玉虹紛萬道。捲地風來香一城。落英飄散家家掃。先生拄杖入深叢。  
姑哦詩要壓孤山老。此花骨性天下奇。雪打風欺渠自好。山礬水仙真  
攬詩材。那許庸工摹畫橐。峭帆欲訪苦不早。青子纍纍徒悔懊。仍當借

駕呼奴掃地排窗扉。延客升堂掛  
饌饜。雜燒四和充蘭麝。松明當燭  
當各分曹。罰爵縱橫互乘罇。玉山  
吹酒戶香滿鄰。雨壯詩腸句驚夜。  
架遠近緋桃爭入眼。歷亂頽霞儼  
秦人訝。晚樹啞啞栖已定。歸路猜

橐。小株三尺如嬰兒。養護未成猶  
撲晴昊。亂雪堆邊活一生。粉蘂沾  
如海粘天縞。魂翻眼倒迷西東。化  
獨把幽情靜中討。無心洒掃待麻  
妾。媵野杏溪桃只傭保。不嫌窮士  
騎果下馬。繞林百匝穿芳草。

六月望夜月下作

空天一色青無瑕。金盤擲出天之涯。纔高三丈忽破碎。亂竹鸛蔽枝交加。碾空徐行無轍迹。杲杲正曬南窗紗。細蟲蕪蕪見翅股。蝙蝠飛掣如白鴉。斗牛注眼尙不辨。何況小星紛撒沙。千年老槐布怪影。滿地散走龍虬蛇。枝閒乾鵲夜不睡。兩翼臙膊聲查查。時平村市撤更鼓。麗譙若近當三撾。何人吹笛起前浦。疑有水仙浮小槎。活灰瓦鑪蒸柏子。香氣撲鼻青烟斜。此時渴酒渴欲死。沆瀣點滴誰宵賒。急抽霜刀削碧玉。頰盤爛漫堆紅霞。齒牙冷冽甘且滑。冰液灌腦翻河車。倒身酣寢涼露下。魂飛直闖姮娥家。琉璃百頃洞毛髮。凌漢不駕空中槎。玉斧丁丁斫桂樹。落葉蹴踏香滿鞞。縞裙素女四羅列。骨輕步窄容蓮花。顧我微微粲皎齒。不記童顏雙髻丫。偷騎玉蚪弄雲霧。遊戲下捉金蝦蟇。胡然狡獪不返顧。仙骨雖在真形差。試聽霓裳洗塵濁。此曲莫向人閒誇。明朝拔筆諱不得。但戒俗子毋囂譁。

草堂對梅樹作

詩興復不淺。梅花何太遲。由來孤賞意。不在滿開時。香奪風霜出。春先草木知。極寒舒一瓣。何必向南枝。

投堯峯汪翰編用昌黎薦士韻

清都直巍班。玉局典真誥。幾時塵濁閒。敕遣騎雲到。至今殿前銜。尙帶仙蓬號。盪胸浩淵海。萬派日疏導。手持雲漢章。口叶薰風操。混茫追正始。卓犖振衰耗。冥搜破郭廓。元覽洞幽奧。戛然九臯鳴。一洗衆禽噪。

殘膏及賸馥。或被羣兒盜。紛紛競騰踔。不足當躡躅。大鴉寢已微。勃興一何暴。譬彼十仞牆。誰敢窺窬竄。亦猶千里足。莫與競雄鷲。道高日益孤。俗遠自殊好。或者味狷介。而謂多媿慕。掬手挹東海。曾不加涸潦。側聞講席開。有叩無不報。天河灌百川。陽燧給萬竈。豈惟豁聞見。足可矻曠眊。渴心劇飛塵。蓄久不勝躁。誰言生苦晚。幸及公未耄。笈囊千里負。霜露兼程冒。下根至頑鄙。野性實惰傲。未能就招呼。況肯事請造。恭惟大賢姿。陶鑄等覆燾。疾疚仰醫門。庸弗加矜悼。素絲近朱藍。縛采成織縞。侵晨執掃門。典謁會當告。投章冀束帶。加禮容著帽。幸不見擯拒。庶以慰戀嫪。學詩根柢疎。蕪穢自擷芼。曹鄴喻鄙淺。或僅比滕郃。深慚鬻鼠璞。豈曰銜圭瑁。結束整壁壘。指揮聽旗纛。一字華袞褒。私心默相禱。鵠雛在穀穀。魯雞易爲菹。鷓首滯灘渾。天風易爲漕。覲面失師資。空增後追懊。願分全鼎潤。稍出一櫛犒。平生死文字。辛苦用白勞。

酒後呈蕉飲庶常

前身合是荒山僧。見人木強如癡蠅。史君於我乃何取。曰此可愛非可憎。結伴相尋不辭遠。篋輿出郭當時曾。滿邨紅桃風敗盡。屋頭雨腳麤於繩。賭詩聽雨夜不睡。吟聲出屋更相騰。汪侯老筆健如虎。君更快若秋空鷹。死生貴賤誰料得。詩人邱墓高峻嶒。君披褐衣走別我。歸著宮錦高軒乘。文章有神豈不信。妬口妄說天懵懵。嗟余只合安蹇劣。梯雲萬丈何由登。荒廢山田弄書史。顛躓窮餓吁可矜。世上幾人談故舊。貧交滿眼皆羞稱。看君意態迴流俗。與昔未達無虧增。胡然嘖嘖被讒謗。從來斥鴳欺鷓鴣。彼自籬籬

誇觜距君白雲海憑掀騰。鄙言挂口吾過矣。得酒且醉今猶能。惜君欲飲不蘸盞。助談曷不加三升。錫山名泉香且冽。花豬旋割魚新罾。炮煎方法盡可口。盤盂花樣俱時興。主人自醒客自醉。口吻一種生鋒稜。說虎崩騰雷吼屋。說鬼慘淡風吹燈。葫蘆撒徧了。不忌僮僕失笑何須懲。月轉虛廊夜如水。天雲幻作波層層。安得一笛橫素手。吹徹雲月空天澄。更深析析不聽去。脫復食頃朝陽昇。少年努力縱談笑。用杜莫待鬢雪垂鬢鬢。汪侯已臥蜀岡底。頗覺地上無高朋。兩人與到有狂詩。詩成莫使人鈔謄。

附史京邸寄荅詩。誰能花雨尋名僧。誰能拔劍驅蒼蠅。賞奇易敗俗物意。好妙反被么麼僧。眼前顧子才橫絕。古有其人今未曾。獅兒踞地吁堪怕。神驥脫韉誰敢繩。絲孔啾啾易悅聽。霜鐘鏗鏘無人膺。猛思焚硯且瘞筆。徑欲逐狗還呼鷹。旁人怪我意色惡。五岳方寸原峻嶒。倚子豪極氣益鼓。看余興到狂堪乘。前年拉臂大橋市。春陰月黑天如菅。江口百步風霧亂。圖峯窈窕無由登。我輩要須妙胸次。臭味並合非驕矜。山川文史亦底物。不過真賞皆虛稱。雙丸易去人易別。吾學不殖毫無增。君名益大厚根柢。何異擊水南溟鵬。羣公已許霸壇坫。睥睨一時容蜚騰。久知通顯君自有。所惜推引吾無能。蕭然冷局涸鉛槧。日竊廩祿謀斗升。海邊似為鷗所畏。寒潭豈有蛟可冒。脫非故人於我厚。看作餓隸寧能興。坐此結習刮磨盡。鐵可繞指觚無稜。里居二載君所見。銜杯時共秋堂燈。磨牙吮血橫被噬。吹蓋或者饒常懲。人小相知不相信。觀面咫尺山千層。此心可鑑點翳釋。青天歷歷冰輪澄。幾時京雒一聚首。丹梯拾級留君昇。詩成夜半窗影走。老樹欲作人鬢鬢。寒檠二尺古時鐵。摩挲此亦耐久朋。照我封書急寄子。短幅莫厭蠅頭膽。

田家

高田彭彭打麥聲。低田潤潤水車鳴。老嫗執爨婦芣苢。小奴活捉黃雞烹。烹雞未熟團頭坐。餅飪何妨比盤大。前村酒望高入雲。那討青銅三百箇。

銷夏灣



山借林爲妝。林因水爲鏡。水得石益奇。四美難交併。是中適兼之。百態秀而靚。陰交檉櫟古。翠染巾衫淨。虛巖隱鹿迹。幽窟馴龍性。九莖仙草弱。五鬣虬枝硬。瑋瓏哀玉瀉。的皪涼珠迸。白鳥靜翹翹。白蓮香柄柄。蕭森三伏時。不受炎官令。正晝日損威。當暑秋爲政。夫差昔王吳。雄據誇豪橫。射鶚上高山。圈虎開深窞。盤遊到處留。佚樂於茲更。風亭倚礪斜。水殿當峯正。至今採菱歌。猶聞溪女詠。山川歷幾劫。林廬更幾姓。惟有嶺頭雲。無心亦無競。

余患不寐。陳山農療以藥酒。分其半餉。查夏重有詩見謝。次韻奉荅。

更深統統應海鼉。湖風夜動鳴湖波。一身一影撥燈坐。破衾堆壘團成窠。屋頭土梟呼不已。如擁百怪紛殿呵。黠鼠欺人弄伎倆。窳宰四壁生妖魔。幾回掣劍激壯氣。浩歌狂舞寧知他。雙睫甫交落孤枕。四體不關叢百痾。遊心蕩逸逐奔馬。幻身輾轉旋枯螺。沈沈敝幃垂四角。如笈困烏籠囚鵝。明就陳翁急診視。心靈夜氣須調和。刀圭未覺寸田潤。瓢杓已遣衰顏酡。華胥有路不難到。取徑合自糟邱過。曲肱漸入混沌譜。調息竟奏雙門歌。且當化蝶舞寥廓。豈必得鹿藏山坡。黑甜軟飽兩不惡。黃雞白日如吾何。查生就我分一斗。右提不律左回羅。吟情飲興互觸撥。問君所得孰與多。待我日高丈五睡新足。看君潑墨傾洪河。

### 雞籠山

筠籃采藥翁。導我過雞籠。羣木暗如夜。孤鷗嘯有風。雨留麋麋跡。香得蕙蘭叢。不落荒寒地。詩材孰與供。